



**Inuussutissalerinermut aamma uumasut nakorsaqaqarnerannut tunngasunut suliassaqaqarfiup tamakkiisumik tiguneqarnissaat pillugu nassuiaasioqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Pineqartut tiguneqarnerisigut inatsisilerinikkut allaffissornikkullu aallavissat sukumiinerusut, taamatullu aamma pilersitsinermut ingerlatsinermullu aningaasatigut kingunerisassat nassuiaammi allaaserineqassapput. Suliassaqaqarfiup ulluinnarni ingerlanneqarsinnaaneranut, suliussarsiniartarneq ilanngullugu, periarfissat nassuiaammi nalilersorneqassapputtaaq. Nassuiaat Inatsisartunut UPA2020-mi saqqummiunneqassaaq.**

(Inatsisartunut ilaasortaq Aqqalu C. Jerimiassen, Atassut)

(Siullermeerneqarnera)

Naluneqanngitsutut Demokraatini isumaqarpugut politikikkut annerpaamik oqartussaassuseqarneq anguneqarsinnaasoq, anguneqassasorlu aningassaqaqarnikkut pingaarnersiuiinikkut. Aatsaat immikkoortut tamaasa aqunnissaat nammineq saperunnaarutsigu angusassarput angusinnaalissavarput, tassalu naalagaaffinngornissaq, tamannali aatsaat pisinnaavoq orqareernittuut politikikkut aningaasaqaqarnikkullu pingaarnersiuiinikkut aqutsilluarnikkullu.

Naatsumik oqaatigalugu, tunngaviumik inatsisissaq pillugu isumalioqatigiisitamik pilersitsinissaq aningaasanik pingaarnersiuiunerunngilaq. Isumaqarpugut aningaasat isumalioqatigiisitamut atorneqartut toqqorneqarsimasariaqaraluartut naalagaaffimmiik suliassanik tigusinissamut.

Kissaatigaarput suleqatigiisitamik pilersitsisoqassasoq misissuisussamik suut oqartussaaffiit tiguneqarsinnaanissaannut tigusassallu ataasiakkaat qanoq akeqarnissaannut naatsorsuusiortussanik. Aamma suleqatigiisitaq pingaarnersiuiilluni nalunaarsuisinnaavoq oqartussaaffiit sorliit siulliullugit tigussanerigut pillugu.

Ataatsimut isigalugu Demokraatiniit iluarisimaarparput paasillugu, naalagaaffimmiik tigusassatta pingaarnersiorneqarnissaanut kissaateqartuni kisimiinnata. Tamanna tunngavigalugu uumasut nakorsaqaqarnerannut aamma inuussutissalerinermut tunngasunut suliassaqaqarfiup tamakkiisup tiguneqarnissaat pillugu nassuiaammik saqqummiussisoqarnissaanut Naalackersuisut allannguutissatut siunnersuutaat taperserparput.

Allannguutissatut siunnersuut Inatsisinut Ataatsimiititaliamut innersuupparput suliareqqitassanngorlugu.